



REPUBLIKA E SHQIPËRISË

BASHKIA LEZHË
DREJTORIA E ARSIMIT, RINISË DHE SPORTEVE

Nr. _____ Prot.

Datë: ____, ____, 2024

RELACION

PËR MIRATIMIN E "PLANIT STRATEGJIK VENDOR PËR RININË 2024-2027
BASHKIA LEZHË".

Në vitin 2020 në organikën e Bashkisë Lezhë është shtuar specialisti i rinisë, strukturë e cila merret me të gjitha çështjet e rinisë në territorin e Bashkisë Lezhë. Pas një eksperience pune 4-vjeçare në formimin e sektorit të rinisë, tashmë duke njohur mirë nevojat dhe sfidat, Bashkia Lezhë ka punuar për një plan strategjik për përmirësimin e jetës aktive rinore, si dhe për të adresuar nevojat dhe sfidat e rinisë.

Procesi i hartimit të Planit të Strategjik Vendor Për Rininë 2024-2027 në Bashkinë Lezhë (në vijim referuar si Plani) është mbështetur nga organizata "Social Inclusion for Development" (SIFD) dhe Kongresi Rinor Kombëtar (KRK) në kuadër të programit "Tirana Kryeqyteti Evropian i Rinisë 2022" me mbështetjen financiare të Bashkisë Tiranë dhe Kongresit Rinor Kombëtar.

Qëllimi i planit është 'Vendosja e rinisë në fokus të jetës aktive'. Ky plan synon të nxisë aktivizmin rinor dhe rritjen e kapaciteteve për të rinjtë në mënyrë që ata të kenë më shumë mundësi dhe hapësira në të ardhmen. Nën këtë vizion, plani projekton krijimin e kushteve dhe një mjedisi të sigurtw për një rini aktive dhe të barabartë në të gjitha fushat e jetës dhe me status të konsoliduar për të ardhmen e tyre. Prioritet është përmirësimi i vazhdueshëm i cilësisë së jetës së të rinjve dhe forcimi i statusit të tyre, përmes zhvillimit të më shumë mundësive në edukim, punësim, kulturë dhe sigurimin e mundësive për pjesëmarrje të të rinjve në shoqëri dhe vendimmarrje.

Pesë shtyllat kryesore mbi të cilat bazohet plani janë në harmoni dokumentat strategjike në nivel qendror, vendor dhe evropian për mbështetjen e zhvillimit të potencialit rinor. Në evidentimin e këtyre shtyllave rol të rëndësishëm patën analiza e situatës aktuale në fusha të cilat janë nën kompetencë të Bashkisë Lezhë, si dhe sugjerimet/rekomandime nga të rinjtë e Bashkisë Lezhë duke formuluar këto objektiva:

- ❖ **Hapësirat dhe infrastruktura rinore:** Ky objektivi do të realizohet nëpërmjet investimeve konkrete në infrastrukturën arsimore në të gjithë territorin e Bashkisë Lezhë, si dhe në hapësira dhe infrastrukturë me destinacion zhvillimin e aktiviteteve rinore.
- ❖ **Edukimi jo-formal i të rinjve dhe rekreacioni.** Ky objektivi do të realizohet nëpërmjet organizimit të veprimtarive për të rinjtë jashtë sistemit arsimor parauniversitar, nëpërmjet bashkëpunimit me organizatat rinore ku ata zhvillojnë aftësitë dhe njohuritë e tyre kryesisht në fushën e kulturës dhe artit, mbrojtjen e trashëgimisë historike-kulturore, mjedisit dhe përfshirjen në jetën sportive.



REPUBLIKA E SHQIPËRISË

BASHKIA LEZHË

- ❖ **Përfaqësimi, pjesëmarrja dhe integrimi në BE.** Ky objektivi do të realizohet nëpërmjet zbatimit të projekteve konkrete lidhur me rritjen e përfaqësimit të të rinjve në proceset e vendimmarrjes në Bashkinë Lezhë, ndërgjegjësimin dhe edukimin e të rinjve për pjesëmarrjen në proceset zgjedhore si e drejtë demokratike e shprehjes së vullnetit duke projektuar kështu rininë si aleatin e saj më të mirë në bashkëqeverisjen e saj. Po ashtu do të synohet informimi mbi programe dhe mundësi të BE-së për të rinjtë shqiptarë.
- ❖ **Siguria Sociale për të rinjtë.** Ky objektivi do të garantojë ngritjen dhe sigurimin e qëndrueshmërisë së shërbimeve të përkujdesit social vendor dhe fuqizimin e bashkëpunimit të Bashkisë Lezhë me organizatat rinore dhe organizatat që punojnë edhe për rininë, me fokus parandalimin e fenomeneve të rrezikshme sociale.
- ❖ **Mbështetja financiare dhe nxitja e punësimit.** Nën këtë objektivi parashikohen politika/projekte dhe aktivitete të cilat prodhojnë skema dhe mekanizma nxitës dhe lehtësues për të rinjtë që dëshirojnë të hapin biznesin e tyre (start-up) ose të zhvillojnë biznesin ekzistues, si dhe përgatitja e tyre për në tregun e punës.

Miratimi i Planit Strategjik Vendor Për Rininë 2024-2027 është e rëndësishme sepse siguron një strukturë dhe vizion të qartë për zhvillimin dhe përmirësimin e mundësive të të rinjve në Bashkinë Lezhë. Ky plan ofron udhëzime të qarta për të adresuar sfidat dhe nevojat specifike të rinisë, duke përcaktuar veprime konkrete për të arritur këto qëllime. Gjithashtu miratimi i këtij plani paraqet koordinimin e veprimeve dhe identifikimin e burimeve të nevojshme për të përmbushur qëllimet e përcaktuara për rininë, duke kontribuar në një zhvillim të qëndrueshëm dhe të integruar të Bashkisë Lezhë dhe të rinjve në të.

Në mbështetje të ligjit nr.139/2015 "Për Vetëqeverisjes Vendore", i ndryshuar, neni 8, neni 54 pika k; dhe në zbatim të Ligjit nr. 75/2019 "Për Rininë", paraqesim projekt vendimin për shqyrtimin dhe miratimin e Planit Strategjik Vendor Për Rininë 2024-2027 në Bashkinë Lezhë.

DREJTORI

Nikolin SHTJEFNI